



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1860

222. Kurfürst Albrecht übersendet seiner Tochter, der Gräfin von
Wirtemberg, geheime Rathschläge für ihren Gemahl, am 30. November
1481.

Nutzungsbedingungen

[urn:nbn:de:hbz:466:1-55801](https://nbn-resolving.org/urn:nbn:de:hbz:466:1-55801)

222. Kurfürst Albrecht übersendet seiner Tochter, der Gräfin von Wirtemberg, geheime Rathschläge für ihren Gemahl, am 30. November 1481.

Liebe Tochter, wir schicken ewr liebe hirinn verfloßen einen brief von vns, ewrm heren zusteende, den wolt sein lieb In ewer gegenwertigkeit In geheym lesen lassen, wie oft er will, vnd den brief behalten vnd vns den wider bringen, Damit er suft an nymands gelang. Ir findt auch hirinn verfloßen, wie wir her Conraten von Ahelfingen geantwort haben, das Ir des auch ein wissen habt. Vnser Sone schreibt ewrm gemahel vmb ein rosß, das ist ein scheinbrief, Damit man euch den brief zu bringt. Datum etc. am freitag sand Endres tag, Anno etc. LXXXI.

An frauen Elsbeten von Wirtemberg.

Einlage:

Vnser fruntlich dinft vnd alles gut zuor. Hochgeborner Lieber Sone. Wir können euch nit geraten, das Ir aufz dem land ziehet, dreyer vrsach halben. Soll ewr vetter haben die Lehen geistlich vnd weltlich zu Mümpelgart, So hett er das regiment, vnd so ir das regiment nit hett, was wolt Ir dort Innen thun? Das ander, So mögt Ir euch nit ernerer von dreytaufent gulden dortinnen vnd man mußt vch von hynnen hinein geben, die schuld bezaln vnd das regiment hieauffen halten, was könt Ir dann ervbrigen? Das dritt, so kombt Ir aufz dem regiment hieauffen vnd komen ander darein, die das regiment hanthaben solten, Ir lernet auch nit regiren land vnd lewt. Das ist der wege, do man allwegen mit vmb ist gangen, Das man das regiment aufz ewrs vaters vnd ewrn handen brecht. Do hütt vch vor, seyt Ir weyßz vnd wolt bey mechten bleiben. Aber das man das regiment dort Innen zu Mümpelgart anrichtet, Das die Slosz besetzt wurden mit Taufent gulden zu ewrm tail vnd II^M. gulden heraufz volgeten zu der bezalung der III^M. gulden ewrm bruder, So wer es vmb I^M. gulden hieauffen zu thun des Jars, das kontten wir geraten. Doch das suft In allwege die alt verschreibung In krefftten blib vnd ewrm bruder ein behawfung, die nit vest wer vnd Im land gelegen. Got lere euch das beste. Datum Onoltzpach, am freitag Sand Endres tag, Anno etc. LXXXI.

Albrecht, von gotes gnaden Marggraue
zu Brandenburg, Churfurste etc.

Hochgeborn vnserm sone hern
Eberharten, Jungen Grauen
zu Wirtemberg etc.

Nach dem Originale des Königl. Hausarchives.